



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. XI. Aliud argumentum diluitur,

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

in ratione prime cause, & universalis provisoris, tenetur exhibere homini peccanti, ne lacerat jura libertatis creatæ.

219. Tertiò confutari potest principalis responsio, argumento ad hominem, quod suprà insinuavimus, de cœta indifference impugnando.
Disp. 5 arr. 3. §. 1. Nam licet secundum principia Adversariorum, concursus quo Deus cum causis liberis operatur, sit indifferens, & à voluntate creata ad speciem actus determinetur, illam tamen determinat ad individuum. Unde cùm in actu malo & peccaminoso, secundum rationem individualis considerato, reperiatur aliqua specialis malitia & deformitas, quæ non includitur in ratione specifica illius; ea scilicet quæ perit ex intentione graduali, vel ex circumstantijs intra eandem speciem aggravantibus: queritur an Deus per suum concursum, quo voluntatem determinat ad talen actum in individuo elicendum, eam etiam determinet ad illam speciale malitiam & deformitatem quæ illi repetitur annexa, & quæ non convenit ei secundum suam rationem specificam, vel non? Si primum dicatur, sequitur Deum esse authorem alicuius specialis malitiae, quæ reperiatur in actu malo, secundum suam rationem individualis considerato: quod divinæ sanctitati & bonitati repugnat. Si secundum affirmetur: cur similiter Deus non poterit per concursum præsumum determinare voluntatem ad speciem actus, in esse physico & naturali consideratam, & ad ejus entitatem & substantiam, absque eo quod illam moveat & determinet ad malitiam, & deformitatem, illi ex defectibilitate creature annexam? Et si in ratione individuali possit præscindere entitas actus à malitia: cur eriam in ratione specifica, non poterit fieri eadem præcilio?

§. X.

Solvuntur objectiones.

220. Objecies primò: D. Augustinus libro 2. de lib. arbit. cap. 10. differens de origine mali, & questionem quæ nunc discutitur, an scilicet Deus moveat voluntatem ad actus malos? D petractans, sic discurrevit: Sed tu fortasse, quæsturus es, quoniam moveatur voluntas cùm se avertit ab incommutabili bono ad mutabile bonum, unde ei iste motus existat, qui profectus malus est, tametsi voluntas libera, quia sine illa nec rectè vivi potest, in bonis numeranda sit? Si enim motus iste, id est aversus voluntatis à Domino Deo, sine dubitatione peccatum est, num possimus authorem peccati Deum dicere? Non erit ergo iste motus ex Deo: unde igitur erit? Et quibusdam interjectis: ad quæstionem sic responderet. Omne bonum ex Deo: nulla ergo natura est, quæ non sit ex Deo: motus ergo ille aversus, quem fatetur est peccatum, quoniam defectivus motus est, omnis autem defectus ex nihilo est: vide quod perireat, & ad Deum non pertinere ne dubites. Sic enim legi debet hic Augustini locus, non vero ut habetur in editione Erasmi, à Lovaniensibus emendata: *Et ad Deum pertinere non dubites.*

221. Respondeo Augustinum ibi manifestè loqui de motu aversionis, ut defectivus est, & regulis morum disformis; sub qua ratione, non est à Deo ut à prima causa efficiente, sed à voluntate creata ut à prima causa deficiente: non negat tamen, sed potius ibidem clarè insinuat, motum illum voluntatis, ut physicus est & vitalis, à Deo ut primo
Tom. I.

A movente & primo vivente procedere: nam ibidem ait, quod omne bonum ex Deo est, & quod nulla natura est, qua non sit ab illo.

Obiiciunt secundò Adversarij plura Concilium, & SS. Patrum testimonia, quæ videntur militare contra nostram sententiam. Nam Concilium Araucanum can. 25. anathema dicit in eos qui dicebant aliquos esse ad malum prædestinatos à Deo. Et D. Prosper air, *Non esse Catolicum dicere, quod qui non credunt Evangelice predicationi, ex Dei prædestinatione, & constitutione non credant.* Item Augustinus in libro de articulis sibi falso impositis, art. 10. *Detectanda & abominanda (inquit) opinio est, qua Deum cujusque male voluntatis, aut male actionis creditur auctorem: cuius prædestinatione nunquam extra bonitatem, nimirum extra justitiam est, universa enim via Domini misericordia & veritas. Adulteria enim matronarum, & corruptelas Virginum, non instituere novit sancta divinitas, sed damnare; nec disponere, sed punire.* Et D. Prosper ejus discipulus, in resp. ad objectiones Vincentianas, hæc scribit: *Sicut Deus non indidit malo Angelo illum voluntatem quæ in veritate non stetit, ita nec hominibus illum affectum quo diabolum imitantur inseruit.*

Respondeo Concilia & Sanctos Patres, in his & similibus locis, loqui de peccatis absolute & simpliciter, & prout sunt in genere vel specie mali moralis, & secundum tortum illud quod tam de formalis quam de materiali important. Vel loquantur de materiali peccati formaliter considerato, & prout reduplicative fundat ipsam malitiam & deformitatem, sub qua ratione non est à Deo, sed à voluntate creata, ut regulis morum subjecta. Vel si loquantur de materiali peccati materialiter sumpto, seu de entitate & substantia actus mali, in esse physico & naturali considerata, solum intendunt, talem entitatem non esse à Deo ut provisore particulari, sicut dicebant quidam heretici, qui volebant Deum aliquos homines speciali providentiâ ad actus malos prædestinare, ut in illorum punitione suam justitiam vindicativam manifestaret. Non negant tamen Concilia, & Sancti Patres, materia peccati materialiter sumptum, seu entitatem & substantiam actuum malorum, à Deo, ut prima causa, & universalis provisore procedere. Imò sententia quæ hoc negat, à D. Thomæ suprà relatâ, errori propinquissima appellatur. Et in 2. sent. ad Annibald. quæst. unicâ art. 1. in corp. *Hereticum (inquit) est dicere, aliquid ens, in quantum ens, non esse à Deo; nec solum fidei contrarium, sed etiam rationi. Unde circa hoc observanda est regula, quam tradit idem S. Doctor in 2. dist. 37. quæst. 2. art. 2. Quodcumque nomen deformitatem simul cum actu significat, sive in generali, sive in speciali, non potest dici quod à Deo sit simpliciter: unde non potest dici absoluti, quod peccatum sit à Deo, ut homicidium, aut alii quid hujusmodi, nisi cum hac additione, in quantum est actus, & in quantum est ens.*

§. X I.

Aliud argumentum diluitur.

- Objiciunt tertio quidam Recentiores hoc ar-
224.
 ogant, quod insolubile appellant. Deus
 absolute & efficaci decreto, inconsultâ hominis
 voluntate, vult quod ille liberè, & cum adver-
 tientia rationis, in particulari, & cum omnibus suis

XXXij

circumstantijs, hunc actum, v. g. odij Dei, elicit; Sed impossibile est, quod homo liberè, & cum advertentia rationis, talem actum eliciat, nisi peccando: Ergo Deus absolu& efficaci decreto vult quod homo peccet.

225. Respondeo primo hoc argumentum nihil concludere, & esse purè sophisticum: quia in eo variatur suppositio, & sit transitus à sensu materiali ad formalem, vel à specificativo ad reduplicativum. Nam in Majori *actus* sumitur pro materiali peccati, materialiter & specificative sumpto: in Minori verò, pro materiali peccati, formaliter considerato, quatenus reduplicative fundat ipsam malitiam & deformitatem. Unde illud argumentum eodem viro & defectu laborat, quo istud. Anima absolu& efficaciter vult tibiam curvam motu progressivo moveri: Sed tibia curva non potest motu progressivo moveri, nisi claudicando: Ergo anima absolu& efficaciter vult quod tibia curva claudicer. Vel quo istud. Deus efficaciter vult quod Petrus à Paulo generetur: Sed Petrus non potest à Paulo generari, nisi peccatum originale contrahat: Ergo Deus efficaciter vult Petrum contrahere peccatum originale. Potest etiam formari simile argumentum ex principijs Adversariorum. Deus enim juxta illorum principia, absolu& efficaci decreto vult ponere hominem in illis occasionibus & circumstantijs, in quibus prævidit per scientiam medium illum peccatum: Sed impossibile est quod homo potitus in illis occasionibus & circumstantijs non peccet; alioquin divina præscientia falleretur, & id quod Deus præscivit, non eveniret: Ergo Deus absolu& efficaci decreto vult quod Petrus incidat in peccatum.

226. Secundo responderi potest distinguendo Majorēm. Deus absolu& efficaci decreto vult quod homo elicit actum odij: modo effectivo, concedo: modo defectivo, nego. Similiter distinguo Minorem, & nego Consequentiam.

Explicatur. Voluntas creata est causa actus odij Dei, & quadam realitate, & quadam defectum. Et si adjuvetur vel determinetur sub utroque modo, & effectivo, & defectivo, seu involvente utrumque: talis causa, vel movens, vel cooperans, vel adjuvans, etiam movere, & cooperatur ad peccatum. Si autem adjuvetur, vel foveatur, & causetur ille actus, sub praecisa ratione entitatis, & quantum ad id quod in eo vitale & effectivum est, non ex hoc fit operatio vel influxus in defectu, sed potius est influxus obstantis defectui, quia sustinet entitatem, ne absorbeatur a defectu, & destrueretur a malo.

227. Dices: Concursus prævius causat actum, non solum eo modo quo exit à Deo, sed etiam eo modo quo exit à voluntate creata; quia facit illam agere, eamque movere & determinat ut elicit suo modo talem actum: Sed actus malus, v. g. odium Dei, eo modo quo exit à voluntate creata, peccatum est: Ergo Deus per concursum præviuum movere & determinat voluntatem cretam ad peccandum, & suā efficaci prædefinitione discernit peccantem à non peccante. Sicut in sententia Thomistarum, per gratiam efficacem discernit consentientem à non consentiente.

228. Respondeo distinguendo illam partem Majoris. Eo modo quo exit à voluntate creata: eo modo effectivo, concedo: defectivo, nego. Similiter distinguo Minorem: Sed actus malus eo modo

A effectivo quo exit à voluntate, peccatum est, nego. Eo modo defectivo quo ab illa egreditur, concedo. Solutio pater ex dictis, & potest explicari exemplo animæ moventis, & determinantis tibiam curvam, ut vitaliter, & effectivè se moveat, non tamen ut agat modo defectivo. Unde (inquit S. Thomas supra relatus) *Defectus claudicationis reducitur in tibiam curvam, sicut in causam; non autem in viru[m] motivam, à qua tamen causatur quidquid est motionis in claudicatione.* Ex quo patet solutio ad illud quod subjunctione: cùm enim Deus prædefiniat tantum entitatem actionis peccaminofæ, & nolit ejus malitiam, & defectum; sùa prædefinitione non discernit peccantem à non peccante, sed operantem à non operante.

Instabis: Si Deus absolu& efficaci decreto prædefiniat materiale peccati, licitum erit, immo & laudabile homini, velle entitatem actus mali, v. g. odij Dei: Sed hoc est absurdum: Ergo & illud. Sequela Majoris probatur: Licitum & laudabile est velle id quod Deus vult nos velle: Sed si Deus absolu& efficaci decreto prædefiniat materiale peccati, vult nos velle entitatem actus mali: Ergo licitum erit & laudabile eam velle.

C Confirmatur: Si Deus prædefiniret materiale peccati, sequeretur quod homo peccando peccaret, & non peccando etiam peccaret: Sed hoc est absurdum, & ridiculum: Ergo & illud. Sequela Majoris probatur. In primis enim homo peccando peccaret, ut manifestum est. Peccaret etiam non peccando, quia non se conformaret voluntati divina efficaciter volenti ipsum elicere actionem peccati. Item sequeretur quod Deus eundem actum v. g. odij vellet, & nollet: amaret, & odio haberet: illum enim vellet & amaret, quia ipsum prædefiniret, & prædeterminaret: illum verò nollet & aversaretur, quia prohiberet, & puniret.

D Ad instantiam respondeo, negando sequelam Majoris. Ad cuius probationem, distinguo Majorēm. Laudabile est velle id quod Deus vult nos velle, voluntate signi, consilij, præcepti, vel legis permisiva, concedo. Voluntate generali prima causa, & generalis provisoris, nego. Nam hac voluntate generali Deus plura vult quæ non est laudabile, nec licitum velle: v. g. bella, peccata, incendia, mortem parentum, damnationem reproborum, & similia.

E Ad confirmationem, nego sequelam Majoris, quantum ad secundam partem, quod scilicet homo non peccando peccaret. Ad probationem in contrarium, respondetur hoc argumentum procedere ex ignorantia eorum quæ docentur in Statuto de moralitate actuum humanorum, de obligatione se conformandi divina voluntati. Ibi enim communiter dicitur, non esse malum se non conformatre divina voluntati in volito materiali: hoc est non velle id quod Deus vult, nisi quando id nobis innescat per præceptum. Si enim nobis non innescat Deum aliquid velle, aut non innescat per præceptum, sed alia vi: possumus licet velle oppositum, immo aliquando tenemur sub peccato; ut quando est malum alicui, aut habet annexum aliquid prohibitum. Non constat autem homini, quod Deus ab æterno prædefiniret, ipsum materiale talis peccati elicendum. Et si postea ex effectu id innescat, non tamen per præceptum: unde non peccaret, sed benefaceret, si actum illum non poneret.

233. Ad secundum inconveniens, dicendum est quod sicut nulla est implicatio quod Deus actum odij causet, secundum entitatem, actualitatem, vitalitatem, & alias rationes ad ordinem physicum, & lineam entis pertinentes, & in ipsum ut in ultimum finem reducibles; & illum non causet secundum quod est moraliter malus, & regulis morum disformis, & prout ab ipso ultimo fine avertit. Ita etiam nulla est repugnantia, quod eundem actum velit & nolit, praedefinit & prohibeat, diligat & aversetur, secundum diversas illas rationes, & formalitates. Id pater exemplo animae, qua vult & causat motum progressivum tibiæ curvæ, quatenus est physicus & vitalis, non tamen, quatenus est deficiens, & obliquus. Et Deus positivè vult & causat actionem consecratam sacerdotis consecrantis propter sortilegium, quatenus est supernaturalis, & productiva corporis Christi sub speciebus Eucharisticis; licet eam nolit, aversetur, & prohibeat, quatenus est mala, & sacrilega. Denique sicut haec duo non repugnant, quod scilicet iudex velit hominem vivere, in quantum homo est, & eum occidere, in quantum malefactor est: ita etiam nulla est implicatio, quod Deus voluntate antecedenti, quâ ab æterno voluit quod nullus peccaret, & omnes homines salvi fierent, & ex qua oriuntur consilia, præcepta, & auxilia solûm sufficientia ad evitandum peccatum, nolit & prohibeat actum peccati, quatenus est malus, & regulis morum disformis; & quod voluntate consequente, quâ ut generalis provisor vult permittere peccata, & subministrare causis liberis media necessaria ad agendum; & quâ ut primum ens, & primus actus, vult producere entitatem, & actualitatem in omnibus rebus creatis, eundem actum, sub ratione entis & actus, efficaciter velit, & praedefinit; voluntatemque applicet, & praedeterminet ad eum eliciendum.

234. Instabis rursus: Quidquid Deus ad extra operatur, pertinet ad justitiam & misericordiam: juxta illius Psalmi 14. Universa via Domini misericordia & veritas. Sed praedeterminare voluntatem hominis ad materiale peccati, non pertinet ad justitiam, saltem in primo peccato quod committit, quando non se convertit in Deum, in primo instanti usus rationis, juxta doctrinam Divi Thomæ, cum permisso primi peccati, non possit esse pena alterius. Nec etiam id pertinet ad misericordiam, cum homo operando actum peccati, in maximam potius incidat misericordiam, quam sublevetur ab illa: Ergo Deus voluntatem creatam ad materiale peccati non praedeterminat.

235. Respondeo distinguendo Majorem. Quidquid Deus ad extra operatur, ut particularis provisor, pertinet ad justitiam, & misericordiam, concedo. Quidquid operatur, ut prima & universalissima causa, & ut provvisor generalis, nego. Unde cum creatio, conservatio, & concursus, ad Deum ut primam causam, & universalem motorem, ac generalem provisorem pertineant, non est necesse quod illæ operationes pertineant ad ejus justitiam & misericordiam, sed sufficit quod specent ad generali illius providentiam. Quavis etiam in praedeterminatione ad materiale peccati, aliquo modo illa attributa relueant. Quia ut docet S. Thomas 1. p. q. 21. art. 4. misericordia sumi potest dupliciter. Primo propriè, pro remotione misericordia, quæ est defectus creature rationalis, quam solûm contingit esse

A felicem. Secundò pro remotione cujuscumque defectus. Et hoc modo reluet in praedeterminatione ad materiale peccati, quia per eam removetur carentia actus secundi, quæ est quædam imperfectione & defectus voluntatis creatæ. Reluet etiam justitia, quia sit secundum modum convenientem divina sapientia, quæ debet permitti ut creature defectibiles aliquando deficiant, & illis subministrare media necessaria ad agendum; & secundum modum creature rationalis, qui in libertate consistit. Praeterea in praedeterminatione ad materiale cujuscumque peccati, etiam primi, quod puer commitit, dum se in primo instanti usus rationis, ad Deum (salem implicitè, & sub ratione boni honesti) non se convertit, specialiter reluet divina justitia. Quia, ut infra dicimus, & latius ostendimus in materia de praedestinatione, permissione primi peccati, quæ non solûm includit voluntem denegandi auxilium efficax, sed etiam concurrendi ad materiale peccati, & subministrandi media necessaria ad agendum (inter quæ applicatio potentiarum præcipue numeratur) sit in pœnam peccati originalis, & dependet ab ejus prævisione in genere cause materialis & occasionalis, eoque ferè modo, quo Thomistæ, & plures alii docent in Tractatu de Incarnatione, decreto Incarnationis à prævisione ejusdem peccati dependere. Eademque ratione, in praedeterminatione ad materiale peccati, interdum splendet divina misericordia; quia sicut in reprobis permissiones peccatorum, sunt effectus reprobationis; ita & in electis sunt effectus prædestinationis, quæ est actus divinae misericordia. De Dis. 3. quo in Tractatu de prædestinatione, & reprobatione.

§. XII.

Aliæ objectiones solvuntur.

D O Bjicies quartò: Si Deus prædeterminaret hominem ad materiale peccati, & ad pondendum actum positivum malitiæ substratum, illum tentaret, seduceret, & implanaret: Sed hoc non est dicendum, nam ut habetur Jacobi 1. Deus intentor malorum est: ipse autem neminem tentat, & Ecclesiastici 15. Ne dicas, ille me implanavit: Ergo Deus non prædeterminat voluntatem ad materiale peccati. Sequela Majoris probatur. Ille dicitur tentare aliquem, ipsumque seducere, & implanare, qui movet illum ad eliciendum aliquem actum, à quo scit malitiæ esse inseparabilem; hoc enim ratione diabolus dicitur tentare homines, eosque seducere, & implanare; quia movet illos & invitat ad eliciendum actus à quibus malitia separari non potest.

E Confirmatur: Si Deus præmoveret moraliter hominem ad materiale peccati, præcipiendo, suadendo, vel consulendo actum à quo malitia est inseparabilis, verè diceretur illum tentare, seducere, & implanare, ac censeretur author & causa peccati: Ergo à fortiori, si illum physicè moveat, & prædeterminet ad talem actum eliciendum. Consequentia patet: motio enim & prædeterminatione physica, cum sit ex se, & ab intrinseco efficax, habeatque nexum indissolubilem cum operatione, est multò major & vehementior, quam moralis, quæ extrinsecè solū & objective alicet & invitat agens ad operandum.